

ՀՕՐ ԱՆԷԾՔԸ

(ԲԱՆԱԳԱՅ)

ԼԵՒՈՆ ՄԱՆՈՒԷԼԵԱՆՅԻ

Եթէ դու յորս հեծցես
Յազատ է վեր է Մասիս,
Զքեզ կայցին Քաջք,
Տարցին յազատ է վեր է Մասիս,
Անդ կացցես և զլոյս մի՛ տեսցես:

Մովսէս Խորենացի:

Հըսկայ Մասիսի ժայռի կատարին
Արտաւազդ արքան՝ նըժոյցն հեծած
Կանգնած է մենակ՝ աղեղը ձեռին.
Եւ զոյգ բարակներն նորա մըտերիմ,
Իբրեւ պահապան, նորա մօտ կանդնած:

Հեծում է մըրրիկն, և գանդաղելով
Քանձըր մըշուշը ձորերը պատում.
Հողմերն խաղում են պըտըտւելով,
Զիւնի տարափներն չորս կողմը դիզում...

Զորս կողմ—վիթխարի ժայռեր են ահեղ,
Ներքե—սե անդունդ՝ իւր վիհը բացած.

Բոլորը մրուալ ժանտ է այնտեղ,
Բոլորը վայրի և ամայացած:

Շընչում է մլրրիկն և արքայի հերն,
Նըժոյգի թաւ բաշն օդում ծածանում:
Շըներն հաջում են, և ձին սըմբակներն,
Կարծես կատաղած, ժայռին է զարկում:

«Հասէ՛ք օգնութեան, ընկեր-ծառաներ»,
Ահով ու դողով զոչում է արքան.
Սակայն նորա շուրջ հեծում են հողմեր, —
Եւ նորա ձայնին չը կայ պատասխան:

Կըրկին զոչում է, զոռում վերըստին,
Սառ արցունքներ են աչքերին փալում,
Նըժոյգը դարձեալ դոփում է գետին,
Եւ բարակներն ողբագին հաջում:

Բայց զհւ. օգնութեան մի ձայն չէ հասնում:
Միայն արձագանքն է խուլ հեռաւոր
Նոցա ձայները ձորի խորքերում
Կըրկնում տըխրագին, որպէս սըգաւոր:

Եւ Արտաւազդըն ահաբեկ այն ժամ
Ղըսում է իւր հօր անէծք դառնագին,
Որով նըզովեց մեծափառ արքան
Իւր չարանախանձ, մոլի զաւակին:

«Երբ դու նըժոյգըդ հեծած հըրեղէն,
Արտաւազդ, Մասիսը որսի երթաս,
Քաջքերն առնեն, քեզ վեհը ձըգեն,
Եւ լոյս-արեւի կարօ՛ւտ դու մընաս:

Եւ սրտատրորոյ Արտաւազդ արքան
Լքում է յանկարծ վայրենի ձայներ.
Նայում է—այնտեղ, հեռից խըններամ
Վազում են ահա լերան ոգիներ:

Եւ նա շուտափոյթ ուժգին հարածեց
Իւր ծանրը ծընկներն ըմբոստ նըժոյգին—
Նըժոյգը թռաւ, ժայռիցը ոստնեց,
Եւ ողջ կըլանեց անդունդը մըթին:

Մըրրիկն դարձեալ մըռունչ է հանում,
Եւ թանձրը մըշուշն պատում է ձորեր.
Հողմերն խաղում են, հողմերըն հեծում,
Ձորս կողմը դիզում ձիւնի տարափներ...

Էջֆածին, 1891 թ. հոկտեմբեր.